



ԵԿԵՂԵՑԱԿԱՆ ԲԵՄ. ԼՈՒՐԵՐ

Մարտի 1-ին, երկուշաբթի.- ժե օր Մեծի Պահոց:

Այսօր Կաթողիկոսական Ընդհանուր Փոխանորդ Ս. Գարեգին արքեպս. Ներսիսյանի կարգադրությամբ կատարվեցին նոր նշանակումներ. Ս. Միքայել ծ. վրդ. Աջապահյանը նշանակվեց Մայր Աթոռ Ս. Էջմիածնի Միջեկեղեցական հարաբերությունների բաժնի վարիչ, իսկ Ս. Արշակ արքեպս. հաչատրյանը՝ «Էջմիածին» ամսագրի խմբագրի պաշտոնակատար:

«Էջմիածին» ամսագրի խմբագրակազմը շնորհավորում և նորանոր հաջողություններ է մաղթում Ս. Միքայել ծ. վրդ. Աջապահյանին և Ս. Արշակ արքեպս. հաչատրյանին՝ իրենց հետագա գործունեության մեջ:

Այսօր, երեկոյան, Գոգևոր ճեմարանի նախկին շենքում բացվեց միաբանական հանգստյան սենյակ՝ հավաքատեղի: Այս առիթով իր օրհնության խոսքն ասաց Կաթողիկոսական Ընդհանուր Փոխանորդ Ս. Գարեգին արքեպս. Ներսիսյանը: Կատարվեց Տնօրինների կարգ՝ նախագահությամբ Վիրահայոց բժնի առաջնորդ Ս. Գևորգ արքեպս. Սերայդարյանի:

Մարտի 2-ին, երեքշաբթի.- ժճ օր Մեծի Պահոց:

Այսօր, առավոտյան, Կաթողիկոսական Ընդհանուր Փոխանորդ Ս. Գարեգին արքեպս. Ներսիսյանը Վեհարանում ընդունեց «Էջմիածին» ամսագրի խմբագրակազմին: Սրբազան Զայրը պաշտոնապես հայտնեց Ս. Արշակ արքեպս. հաչատրյանին՝ խմբագրի պաշտոնակատար նշանակելու որոշման մասին, և միաժամանակ իր գնահատանքը հայտնեց խմբագրի նախկին պաշտոնակատար Մարիամ Վարդանյանին՝ ամիսներ շարունակ այդ պաշտոնը հաջողությամբ վարելու համար:

«Էջմիածին» ամսագրի խմբագրակազմը նույնպես իր գնահատանքն է հայտնում Մարիամ Վարդանյանին՝ կատարած ջանադիր աշխատանքի համար:

Այսօր, երեկոյան, Վեհարանում տեղի ունեցավ եպիսկոպոսական հավաք:

Մարտի 3-ին, չորեքշաբթի.- ժժ օր Մեծի Պահոց:

Այսօր, երեկոյան, Արարատյան Հայրապետական թեմի առաջնորդանիստ Ս. Սարգիս եկեղեցում Մայր Աթոռի ողջ միաբանության մասնակցությամբ կատարվեց հանդիսավոր «Խաղաղական» ժամերգություն: Այնուհետև Արարատյան Հայրապետական թեմի առաջնորդարանում տեղի ունեցավ Միաբանական ժողով, որի ընթացքում ըննարկվեցին Արմավիրի թեմում տարվող քարոզչական աշխատանքների հետ առնչվող հարցեր:

Մարտի 5-ին, ուրբաթ.- ժԹ օր Մեծի Պահոց:

Այսօր Կալկաթա (Հնդկաստան) մեկնեց Մայր Աթոռ Ս. Էջմիածնի Միջեկեղեցական հարաբերությունների բաժնի վարիչ Տ. Սիքայել ծ. վրդ. Աջապահյանը:

Մարտի 7-ին, կիրակի.- Դ կիրակի Զառասնորդական Պահոց (ՏՏտեսի):

Այսօր Մայր Տաճարում, Ավագ Ա. Սեդանի վրա, Ա. Պատարագ մատուցեց Մայր Աթոռի միաբան Տ. Ներսես արքեպիսկոպոսը: «Հայր մեր»-ից առաջ քարոզ խոսեց Տ. Մակար արքեպիսկոպոսը՝ «...որոշեք աշխարհիս այստղիկ իմաստնագոյն եմ քան զորդիս լուսոյ յազգս իւրեանց» (Ղուկաս ԺԶ 8) բնաբանով:

Մարտի 10-ին, չորեքշաբթի.- ԻԴ օր Մեծի Պահոց:

Այսօր, երեկոյան, Վեհարանում տեղի ունեցավ Միաբանական ժողով:

Կաթողիկոսական Ընդհանուր Փոխանորդ Տ. Գաբեգին արքեպիս. Ներսիսյանի խնդրանքով, Միաբանական ժողովին իր մասնակցությունը բերեց Մայր Աթոռ Ս. Էջմիածնի միաբան, Երևանի Պետական Համալսարանի Աստվածաբանության ֆակուլտետի դեկան Տ. Շահե արքեպիս. Աճեմյանը: Սրբազան Հայրը ներկայացրեց «ՏՏտեսի» առակի վերաբերյալ իր խորհրդածությունները, որի շուրջ հոգևոր մթնոլորտում ըննարկումներ ծավալվեցին: Ապա Շահե Սրբազանը պատասխանեց միաբանների հարցերին:

Մարտի 14-ին, կիրակի.- Ե կիրակի Զառասնորդական Պահոց (Պատառորի):

Այսօր Մայր Տաճարում, Ավագ Ա. Սեդանի վրա, Ա. Պատարագ մատուցեց Տ. Խաչատուր ավագ քին. Ֆրանկյանը: «Հայր մեր»-ից առաջ հավուր պատգաճի քարոզ խոսեց Տ. Մոմիկ վրդ. Սարգիսյանը:

Մարտի 16-ին, երեքշաբթի.- Լ օր Մեծի Պահոց:

Այսօր Կալկաթայից Մայր Աթոռ Ս. Էջմիածին վերադարձավ Մայր Աթոռ Ս. Էջմիածնի Սիջեկեղեցական հարաբերությունների բաժնի վարիչ Ս. Սիքայել ծ. վրդ. Աջապահյանը:

Մարտի 17-ին, չորեքշաբթի.- ԼԱ օր Մեծի Պահոց:

Այսօր, երեկոյան, Վեհարանում տեղի ունեցավ Սիաբանական ժողով. որի ընթացքում Կաթողիկոսական Ընդհանուր Փոխանորդ Ս. Գարեգին արքեպս. Ներսիսյանը միաբան եղբայրների հետ կիսեց նախորդ կիրակի Արմավիրի թեմ կատարած իր շրջայցի տպավորությունները:

Ս. Սիքայել ծ. վրդ. Աջապահյանը համառոտ կերպով ներկայացրեց Կալկաթա կատարած իր այցելության ընթացքում թե՛ տեղի Սարգսսիրական ճեմարանի առաքելությունը շարունակելու և թե՛ հայ համայնքի կյանքի աշխուժացման հետ կապված որոշ խնդիրներ:

Մարտի 21-ին, կիրակի.- Զ կիրակի Զատասնորդական Պահոց (Գալստեան):

Այսօր Մայր Տաճարում, Ավագ Ա. Սեդանի վրա, Ա. Պատարագ մատուցեց Ս. Տիրայր քին. Գըլըճյանը: «Հայր մեր»-ից առաջ քարոզ խոսեց Ս. Սիքայել ծ. վրդ. Աջապահյանը՝ «Սիալասիկ Տեղ իբրև զիուր եկեղեցի, և կառք նորա՝ իբրև զմրիկ» (եսայի ԿԶ 15) բնաբանով (Տե՛ս էջ 32):

Մարտի 23-ին, երեքշաբթի.- ԼԷ օր Մեծի Պահոց:

Այսօր, երեկոյան, Վեհարանում տեղի ունեցավ ծախսկոպոսական հավաք:

Մարտի 24-ին, չորեքշաբթի.- ԼԸ օր Մեծի Պահոց:

Այսօր Վեհափառ Հայրապետը Սիացյալ Նահանգներից մեկնեց Հոռո՛մ մասնակցելու Մայր Աթոռ Ս. Էջմիածնի հովանավորությամբ և անմիջական մասնակցությամբ Վատիկանի Թանգարանի Սիքստինյան սրահում բացվելիք Հայոց մկրտության 1700-ամյակին նվիրված «Հոռոմ-Հայաստան» ցուցահանդեսին: Այս կապակցությամբ, Կաթողիկոսական Ընդհանուր Փոխանորդ Ս. Գարեգին արքեպս. Ներսիսյանի գլխավորությամբ, Մայր Աթոռ Ս. Էջմիածնից Հոռոմ մեկնեցին նաև Արցախի թեմի առաջնորդ Ս. Պարզև եպս. Մարտիրոսյանը, Արագածոտնի թեմի առաջնորդ Ս. Նավասարդ եպս. Կոչյանը, Հայրավային Ռուսաստանի հայոց թեմի առաջնորդ Ս. Եզնիկ եպս. Պետրոսյանը, Մայր Աթոռ Ս. Էջմիածնի Սիջեկեղեցական հարաբերությունների բաժնի վարիչ Ս. Սիքայել ծ. վրդ. Աջապահյանը, Գերագույն հոգևոր խորհրդի անդամ տիար Ռաֆայել Պապայանը:

Մարտի 26-ին, ուրբաթ. - Խ օր Մեծի Պահոց:

Այսօր Մայր Աթոռ Ս. Էջմիածին վերադարձավ երկու օր առաջ Հոռոմ մեկնած Մայր Աթոռի պատվիրակությունը:

Մարտի 27-ին, շաբաթ. - Ա օր Մեծի Պահոց: Յիշատակ Յարութեան Ղազարու:

Այսօր, առավոտյան, Վեհարանում տեղի ունեցավ միաբանական ժողով, որի ընթացքում Կաթողիկոսական Ընդհանուր Փոխանորդ Ս. Գարեգին արքեպս. Ներսիսյանը միաբաններին ներկայացրեց Վատիկանի Թանգարանի Սիքստինյան սրահում բացված Հայոց մկրտության 1700-ամյակին նվիրված «Հոռոմ-Հայաստան» ցուցահանդեսի ընթացքը:

Մարտի 28-ին, կիրակի.- Ծաղկազարդ:

Այսօր Մայր Տաճարում, Ավագ Ա. Սեդանի վրա, Ա. Պատարագ մատուցեց Ս. Գրիգորիս արքեպս. Բունիթյանը: «Հայր մեր»-ից առաջ քարոզ խոսեց պատարագիչ Սրբազան Հայրը՝ «Որինեալ որ գասդ յանուն Տեառն» (Հովհ. ԺԲ 13) բնաբանով (Տես էջ 36):

Մարտի 29-ին, Ավագ Երկուշաբթի.- Պահք:

Այսօր, երեկոյան, առողջական պատճառով վեցամսյա բացակայությունից հետո, Լոնդոն-Երևան հատուկ չվերթի օդանավով Մայր Աթոռ Ա. Էջմիածին ժամանեց Ն.Ա.Օ.Տ.Տ. Գարեգին Ա Ամենայն Հայոց Կաթողիկոսը (Տես էջ 9):

Մարտի 31-ին, Ավագ Երեքշաբթի.- Պահք:

Այսօր Վեհարանում, Ն.Ա.Օ.Տ.Տ. Գարեգին Ա Ամենայն Հայոց Կաթողիկոսի նախագահությամբ, տեղի ունեցավ Գերագույն Հոգևոր Խորհրդի և Հայաստանի թեմակալ առաջնորդների համատեղ նիստ:

Տերունական աղոթքից հետո, Կաթողիկոսական Ընդհանուր Փոխանորդ Ս. Գարեգին արքեպս. Ներսիսյանը, հանուն Մայր Աթոռ Ա. Էջմիածնի միաբանության և Գերագույն Հոգևոր Խորհրդի անդամների, ողջունեց Վեհափառ Հայրապետի վերադարձը Մայր Աթոռ՝ Նորին Սրբությանը մաղթելով քաջառողջություն և երկար տարիների կյանք:

Ժողովի ընթացքում Գերագույն Հոգևոր Խորհրդի անդամները Նորին Սրբությանը ներկայացրին Վեհափառ Հայրապետի բացակայության ընթացքում կատարված աշխատանքները:

Վեհափառ Հայրապետը ժողովականներին տեղեկացրեց իր առողջական վիճակի մասին, գնահատեց իր բացակայության ընթացքում կատարված գործերը:

Ապա Նորին Սրբությունը հայտնեց իր և Հայաստանի Հանրապետության նախագահի հրավերով Հոռոմեա-Կաթոլիկ Եկեղեցու պետի՝ Հովհաննես-Պողոս Բ Պապի, որպես Մայր Աթոռի հյուր, Հայաստան կատարելիք առաջիկա այցելության մասին, որը, ըստ նախնական պայմանավորվածության, նախատեսված է այս տարվա հուլիս ամսվա սկզբին:

Վերջում Վեհափառ Հայրապետը որոշ թելադրանքներ կատարեց ու բաշխեց իր օրհնությունները: